

大明萬家詩山下冊

和
94
2



和 1
門
號 94
卷 2

博古
堂記

羅
氏

大明萬家詩山卷之四

見江汪本澄精裝

都御史王守仁

字伯安號陽明浙江餘姚縣人

收復作友寧王宸濠正德九年

甲馬秋驚鼓角風旌旗曉拂陣雲紅勤王敢在汾陽後恋闕

直隨江漢東群醜謾勞同吠犬九重端合是飛龍消埃

已遂酬蒼海病懶先須學赤松

程東高字子升江西樂平縣人

客棧寫意

唐衙危闌四望晴滿前佳致落吟屏山明水秀天開畫日煖

風狂客踏青錦染春妍花滿樹裊含雨濕草盈堦忘機看取

沙鷗懶白晝沙頭晒雪翎

醉起

推枕庭前試步回沿階踏破翠苔痕殘花病葉消前態雲月
光風滿素懷書長晴簷昭古道訊聞春榜報英才欲窮物趣
頻增目添得新詩不費裁

詹櫟軒樂平縣人

題丁醫士洗藥池

自誰開鑿注來深秦越恩波流至今雲竇夜寒凝石髓月波
秋老澹天靈橘分餘潤香蘇井杏着春紅上董庭若是丁郎
能接武衛生何處不寧馨

登山偶成

層上路跨晴雲白翠滴山衣有此遊藤赤走岩烟樹晚菊黃
消徑露花秋掃懷竟歷危峯秀程步經曲澗幽能復笑行
開有我曾來此地寓賡酬

詹渭軒樂平縣人

次興登山

山雲靜處亂鴉飛水映紅霞晚接暉閑隘阻山多簇上路遙
行馬倦依依閑身一係因鄉遠短髮雙垂為髮微亦小唱來
行不及扳躡願殺笑綵戲

丘濬號瓊山廣東瓊州府人

悼夫人四接古體二首

芙蓉肌骨綠雲髮傷別傷春更萬端去日漸多來日少別時
容易會時難春蚕到死絲方盡蒼海揚塵淚始乾無可奈何
花落去五更風雨五更寒

又

一別音容兩渺茫不堪端坐細思量雲收雨散知何處
鶯啼亦可傷誰愛風光高格調我憐真白重寒芳
愁來欲奏相思曲祇恐依聞也斷腸

宋朝丞相馬廷鸾江西饒州府樂平縣人

登饒州府芝山

天風吹我上層巒四顧乾坤眼界寬
仙洞幾千年落魄鄱湖三百里
夷漫醉看馬首歸途晚笑指牛頭枕
水寒三十年來尋此樂盡驅景色入毫端

汪濂字原潔號望齋萬年縣上陽人贈姪自寓

君子義文占古文一裹妙藥未開包
問咄言語閑中究追白情懷靜裡嘲
少壯何時培梓櫝老衰終日守蓬茅
門墻桃李年年淡衛不思過設不敲

汪文魁與汪執中先生菱陂醉歸口號

過了長塘又短塘月移花影上東廊
金灘湍水蛟龍戰隔港員山虎豹藏
秋粟露垂珠箔串晚禾風動紫金香
醉鄉日日親兄弟更願來生共此鄉

詹雪崖寄閣老嚴嵩號介溪袁州府分宜縣人

俗事紛如可柰何柴門明月掩秋蘿
一千里外相思友二十年前共擢科
案牘勞勞幾傳舍絲綸澀澀獨鑿坡
格心之學功之最元晦先生不厭多

詹儉字用中號南湖樂平縣人

新晴

坐過春來五戊天陰消陽長少霜嚴
壁留鳥跡踞成篆門印鰾鬚日在簾
四野浮雲風後盡一江新水雨餘添
年來厭問

權門事濫祿冠裳半郭尖

春日赴學途中作

過却漳潭信步頻青鞵布襪不沾塵兩三里路平如砥四五
年松高過人寒氣侵肱風入袂晴光眩日日烘巾村氓在在
興農業黃犢一犁南畝春

汪本澄

字汝源號見江萬年縣上陽人

挽雷隱人 兩律

煉得神仙養性丹便辭人世夜漫漫龍遊六合江雲暝鶴上
三峯海月寒靖節不來蓮社散伯倫一去酒樽乾九原瞑目
還開目端為焚香帶笑看

又

東風吹斷故園春人世渾如弱草鹿歲月已成千古恨乾
不載百年人落花寒雨桐江上高樹斜陽渭水濱新刻石碑
揚穆字輝煌光彩重星辰

挽趙隱人

次春江兄韻

武陵行過石崖東不見當時舊主翁樽酒難同黃菊徑釣臺
閑倚白蘋風文王已罔徵非虎徐庶徒能薦卧龍自愧書囚
趨吊晚脫駮賻賵總成空

賀人劄呈

大邦豪傑大江東經始臺堂氣槩雄簾幙遠飛南浦雨總檣
清透岐山風燕鶯賀柳春多翠祿馬符藜夜有紅富潤自然
臻慶澤龍墀看子拜重瞳

偶成

剔起殘燈再着油還將經史細推求年將四十未為老學中

三場始可休進步敢言期作相成功何必擬封侯相逢但得
衣冠改便是為人出一頭

趙應奎 字文端號少山魚池塘長山人

遊吳平章故營武陵

當初不料不公侯空有威風駭九州沙漠草疎無鴈迹王關
秋老向江流鰲魚不餌鄱湖水虎豹無藏峻嶺秋一代英雄
何處去雨花烟草至今愁

送春江汪先生行

行到春江感發心汪汪千載到如今柳雲天鎖千家雨挑浪
風颺萬點金鶴渚烏汀清且淺龍樓蜃閣靜尤深無人渴飲
東西岸誰識中間萬萬尋

挽熊隱人

豫章城下一人龍幾載喬居越水東和靖喜梅同夜月淵明
愛柳共春風吞殘蛇影難尋藥拔斷龍髯已墮弓窰愛青山
松檜裡愁風怨雨暗朦朧

挽趙孺人

貢吉潛修性本臧女中堯舜自流芳塵封粧閣金釵冷草長
瑤池去路長吊鶴天南人蹙額眠牛地下骨生香德歸渾厚
賢郎輩一度追思一斷腸

汪近德 字敦夫號對峯萬年縣上陽人

見山 為永豐朱先生題

當面層層卷盡開天光雲影共徘徊三春好鳥鳴深樹四季
香葩點翠苔響溜穿岩從眺玩煖風度竹任吟裁仁翁珍重
惟佳愛自是江南號作魁

贈山人程劍江

獨負張華劍一張
斗牛躔次倍光芒
劈開山水分高下
剖破陰陽辯細詳
活捉蛟龍來地脉
生擒虎豹認山莊
白蛇當道何人斷
手段應堪助漢皇

送門人岳世和

魏少溪饒州府鄱陽縣人

倏覺春光九十餘
人生最重是分離
言論助我非推汝
道合知更有誰風柳
不堪吟別恨
野花香似笑
空歸懸思別後
相思處一點書燈照少溪

監察御史方輅

樂平人先任直隸巡城後巡按蘇松

送醫人姜鶴峯

一卷青囊賽六韜
斯文有幸得相遭
春風和煦朋簪蓋
碧海仙方手段高
十二月中參造化
三千里外任遊遨
何時一薦

能醫國脫却青衫換紫袍

姜裕字孔儀餘干縣人

翰林院新頒六經四書大全

聖王御極渴思賢
會講儒臣萃講筵
恩渥儂深三月雨
文光高啓九重天
聖經賢傳皆精釋
性理群書總大全
旦復日兮歌盛德
唐虞有道萬斯年

姜肅字文端號雲軒餘干縣人

題太華峯

一峯天挿萬峯攢
鳥道羊腸似履丸
雲霧氣濃蒸袖濕
星辰光近逼人寒
鶴聲遠度松聲和
虎迹長留石迹刊
信是登東應小魯
匡廬萬丈視如閑

齊景星三律

赴京陳言

萬里驅馳上玉京據忠報國為民非不辭白髮經霜老只把
丹心向日傾祥瑞願逢鳳出縱橫惟恨虎狼行徑將荼毒
生靈苦一一敷陳對聖明

過小姑山

峭石巖峩挿上台仙娥於此置粧臺山依嵐氣珠簾捲月到
天心寶鏡開遠關塵寰真洞府淨居仙境小蓬萊兀庸往復
勿惹庇擲奠松花酒一杯

歌風臺懷古

萬里迢迢上帝州歌風臺下暫維舟百年勝會人何在今日
高臺跡尚留門掩落花集翠碑荒蕪綉蝸牛事非城郭
還依舊萬國梯航總屬州

張時吳三律

戒酒

洗盡浮生萬斛愁醉鄉心事應時休蘭亭上已空流承粟里
重陽一任秋明月在天閑對影塵樽委地四封侯高陽路遠
前車覆莫謂風光易白頭

寄魏知州歸隱

塞上休論失馬憂放歌歸作昔年遊五湖烟水孤舟月千里
風霜兩鬢秋栗里菊松陪舊隱杜陵花水遣閑愁思量只合
忘機事幾向斜陽看白鷗

寄弟在南京坐監

別來心緒竟難平肉骨相關弟與兄涉世人情多冷暖孰梅
天氣半陰晴春風已過花千點秋信還來鴈一聲安得此身

同是伴鳳凰臺上看蜚英

學錄張憲字公用一律

洪天耕隱

膏腴百畝屋三間更有還門水一灣
燈火夜深機杼急田疇雨足桔槔閑
桑陰當戶看蚕老花影翻堦數犢還
辛野待看鷹聘出九重天上拜龍顏

趙立字民信餘干人

春日偶成

舞雩歌罷午風輕獨步沙堤見理明
水鳥靜和林鳥語晴雲淡逐雨雲行
江山物物含生意天地年年不世情
老去自知吾道在強將詩酒寄浮生

讀陸秀夫傳

趙宋當年曆數休立孤江介展良籌
但推人事堪為國豈料天機不應謀
淚洒朔風傷虎倒魂歸瘴海伴龍遊
昭然忠義存青史千古奸諛見自羞

讀張世傑傳

為趙從容兩立孤介然忠義古來無
用軍計出文丞相輔國功齊陸秀夫
雲暗崖山猶擊楫星沉南海竟窮途
餘舟不被天風覆肯遣胡元據我都

讀漢蕭何傳

擾亂中原致太平英雄誰信是天生
筆力已見興王易劍履終叨上殿榮
深識沛公原是主更知韓信善行兵
漢家若論功勳處三傑還居第一功

讀李太白傳

詩酒名高占上流
謫仙才量孰堪侔
揚闌作硯書難盡
漢水為醅飲不休
俊逸豈知吟社伯
風流應是醉鄉侯
自從采石騎鯨後
風月閑來幾百秋

讀趙抃傳

趙宋宗臣直且賢
獨持風致振山川
心惟愛國常懸日
事不誣民必告天
王鄧可慚新法苦
臯夔無忝令名專
當年琴鶴今何在
清獻高風萬古傳

舟經鄱湖有感

繞湖蘆葦雪紛紛
高帝平陳跡尚存
水浸鐵衣連戰骨
廟開金像駐忠魂
鯨鯨吹浪秋風急
鷗鳥團沙夕照昏
靜聽河流哀不盡
對山詞賦豈勝論

過饒雙峯先生故居

東風疋馬過平原
為憶先生思凜然
身不臣元全大節
學惟宗魯得真傳
野棠寥落黃鸝泣
書院荒涼白鹿眠
多少雅言垂典籍
孔庭從祀豈遺賢

劉尚恭

字安夫餘干人三律

寄魏知州致仕

天上歸來兩鬢霜
逍遙林下是徜徉
娛親蒲泛黃花酒
待客新開綠野堂
子美百年懷杜曲
淵明終古慕柴桑
老吟七步詩成處
遙覩文星耿夜光

送曹指揮征閩

天兵百萬總英豪
萬里驅馳伐不毛
列郡曉聞軍令肅
中天夜見將星高
孔明復漢還三顧
尚父匡周善六韜
指日凱歌歸奏處
麒麟閣上樹勳勞

寄安仁縣吳宸舉人

萬里陳情近 帝京蒲頭風雪阻歸程
楊村暫駐淹行李 萍水相逢遂識荆
往歲蟾宮誇獨步 來春天榜占頭名
詩書不負男兒志 已見青雲足下生

知府葉盛

字景陽餘干縣人四律

送李節先生致仕

七十年來雪蒲頭 辭官歸去復何求
醉遊冠冕雲生神 吟對琵琶月滿洲
傲世不妨歌浩浩 逢人正好說休休
清閑何物堪為侶 一點忘機水上鷗

孝友堂

生平懿行篤天倫 眼底如君世幾人
菽水盡歡知味少 瓊筵同樂見情真
綠衣着處應無樣 姜被眠時別有春
若使君陳功德教會教 風俗盡還淳

榮節堂

粉署郎官白髮親 一年兩度沐君恩
追封昨日纔頒詔 旌表今朝又到門
熊膽年來功已奏 栢舟老去誓尤存
拔輿迎養斑衣舞花下 春風酒滿樽

春日遊琵琶洲

白雲城上雨晴初 乘興尋芳過市湖
楊柳渡頭舟暫泊 杏花村裡酒新沽
隔林黃鳥鳴絲竹 當面青山展畫圖
醉後不知春已晚 一鉤明月照花衢

陝西叅政劉憲

字文綱號華林江西餘干縣人

登黃鶴樓

來從江左餘千里 去上湖南第一樓
漢代仙人今已已 楚天

風月自悠悠雲開玉壘平窺峽水落金沙俯見洲此景眼前
元不改謫似何事抱詩愁

上彭閣老

平遊宦海會神龍又陟蓬萊最上峰霖雨 帝方咨傳說斗
山人舊仰韓公百年禮樂自今日一代文章真古風文列十
全卑漢室再看麟閣盡元功

上尹閣老

朱袍象簡玉階東承詔頻煩待法宮拜憲舊時周吉甫卿評
今日宋歐公四方人物權衡下萬國山河禮樂中欲學王褒
重作頌獨慚荒廢日無功

上王冢宰

聖主盡心倚老成恩波重沓下神京中朝人望先朝舊南部
官皆吏部清今日權衡周冢宰當時模範魯諸生敬亭趨侍
無因得獨上蓮峰看斗星

登餘干古城

千仞孤城山與齊登臨不覺夕陽西林花向我欲長笑沙鳥
近人時一啼鹿石掃來雲影碎鼈洲斷處水痕低持竿欲取
羊裘適須問 君王乞越溪

隴右道中兼憶河州王司馬

來巡隴右歛三年歲晏驅馳路已千德薄謬膺分陝竒才疎
敢續過秦篇烏啼霜月城頭樹馬踏冰橋雪后川爭似先生
天下獨鳳林高處卧雲烟

挽甘霈

餘水西頭問草堂白雲飛去楚山長冰霜節操推慈母湖海

風流見令郎二徑落英含宿雨半林拱木送斜陽舊交應有
齊心者愁絕蕪葭第已章

干越亭

亭下春江浩綠波亭前春日我重過山川不藉吾人重花鳥
偏驚客子多石刻宋唐詩律細俗蕪吳楚字音訛憑誰喚起
張丞吉坐對琵琶次第歌

過乾陵

獨騎瘦馬過乾陵想象當時感慨生一代山河鸚鵡夢九天
風雨牝雞聲烟迷草蔓無窮怨秋入蓮花不盡情没字石碑
今尚在欲將磨勒史官評

送韓都憲致仕

手挽天河欲洗戈豐功史編摩一時人物雄籌策自粵

風雲壯劍歌白社開懷娛晚節蒼生引領望餘波洞庭山土
春如酒盡日登臨柰若何

同知趙哲字民彝餘干縣人五律

山行

亂藤高下路欹斜與客徐行興亦賒蠟屐生香逢藥草葛巾
面潤度烟霞崖邊野鳥啼高竹樹底山蜂趁落花去去忽聞
雞犬鬧翠微深處有人家

春日書懷

兀坐山牕覺日長物華無限聞春光和風送綠歸池草香雨
調紅上海棠觸處懷人常禁酒等閑携幼即尋芳何時讀罷
騶虞詠詩思縱橫未易量

漁

一簍青箬一竹竿烟波深處足盤桓不辭羊褐終辭漢還似
鷹揚獨釣磻直欲得魚非適取有時沽酒且追歡醉來欲結
春江夢不覺船流下急灘

對雨寄友

千里睽違歲月深暮雲春樹每關心離愁不盡看花盡別恨
偏從對雨深銀甕酒寒難強醉素琴絃緩不成音東風未許
重相會漫向江流寄短吟

挽甘沛

病恨生來失父天終身養母獨奉_上孝廉未應當時舉美行
還留後世傳蒲地烟花春似夢一庭風木夜如年重來不見
人如玉蔓草株松落照前

南京主事蘇章字文簡餘干縣人

元旦早行

寶扇齊開兩陛均東風情駐羽旗旂九重光彩星辰近萬物
勾萌天地交王帛繹儀陳禹貢麟騶仁意蒲周郊履端降
制同沾慶獻納非才愧斗筭

秋八月十一日同翰林諸公遊西苑

上苑風光紫禁西長橋飛瀑駕虹霓秦封老樹樛蟠地周沼
新荷靛壓堤太液波涛通海闊廣寒臺殿倚雲齊宸遊希駐
花前輦柳外清塵路欲迷

遊金山寺

瓜步艤航波浪開更貪佳處獨登臺金生穴裡皆成幻石到
波心更作堆山勢要撐吳楚漲江流不盡古今衰老僧指點
中冷水一掬方甘洗渴埃

謁嚴先生祠堂

春秋一訖起強秦更有何人似漢人
白水龍飛歸曆數桐江漁釣動星辰
是非後世誰能定出處先生見合真
欲問君臣遭遇事九原無路起天民

岳陽樓

城外湖光萬頃浮城頭百尺起高樓
孤帆人在魚龍背畫角聲寒鴈鴛秋
江漢不消巫峽水文章誰有廟廊憂
洞庭依舊君山在突兀闌干幾欲修

冬至陪祀昌平道中作

孤裘驢馬策西風北望長陵在眼中
晴岫旁圍天遠大痴雲合凍樹朦朧
秋登稼圃千家樂風入松濤萬竅空
我欲振衣千仞上清光高樹海蟾東

謁黃陵廟

百川萬壑總趨東瀉下西南激勢雄
石欲攔江橫過水山如卓筆倒書空
乾坤龍馭開巴峽河洛龜書著禹功
只有黃陵祠廟古乞靈香火萬年同

黃州竹樓

危樓百尺倚江干搜盡黃岡竹萬竿
千古文章昭直節幾番烟雨送秋寒
清風有夢同孤鶴明月無由下彩鸞
陶瓦已更梁棟易獨留名共海天寬

欽敬堂餘干昌國寺禪師

奉和胡祭酒韻

玉堂學士別經年何幸新詩慰病禪
儒道光明能濟世教門衰朽望扶顛
侍筵日日沾恩露染翰朝上惹御烟
幾多緬

懷天上客寒燈挑盡不成眠

通判萬理 號正齋餘干人

寓金陵太學偶興寄家

自古功名貴黑頭十年書劍尚淹留高堂已負嚴慈養率土
誰分社稷憂涼入鴈聲京國晚香生桂子故園秋欲酬三釜
知何日一度封書一淚流

樵陽寄城東姜和中舉人

一官微祿荷 明廷佐郡才疎愧不勝但識 聖恩深似海
任教官况冷於水鄉關有夢山空碧門徑無媒草自增輸却
故人林下趣新詩如畫酒如澆

丙午朝京途中偶興

雷船東下疾如飛南望蒙山北帝畿千里備員纔入觀十年
遊宦已忘歸聖君恩渥叨承久先瞻松栝拜掃違忠孝人生
須兩畫幾時回首賦歸歟

章甲 字王疑 號東野 李梅人

清樂軒

蒲架圖書一卷詩個中真趣少人知閑携竹杖看雲處索笑
梅花得月時故舊論心孫進酒兒童撫掌客輸棋黃公不是
輕軒是祇為商山有紫芝

知縣何貴 字紹爵 號東井 餘干人 四律

寄黃二尹

分符幾載牧明邦天北天南路渺茫懷別尚思聆善教問安
今喜覩賢郎憂民夜踏棠陰月詢俗春行麥甸霜見說邑人
歌異政芳聲有待繼循良

挽韓知州

春秋三傳駭時英五馬榮除入郡城自信邊徕歸玉燭誰知
新爵上銓旌安仁濟世心空在瘴雨蠻烟恨未平欲把椒觴
望南奠雲愁天遠不勝情

平陽趙上舍墓前古木

古木婆娑碧澗隈前人栽植後人培一株蒼翠含春雨千載
清陰庇夜臺葉密不憂霜露重根深原是棟梁材甘棠已往
遺芳在亦有諸生守護來

登辰溪山有感

鳥道縈紆紫翠重登高望遠思無窮西山北望堯時景辰水
東來禹日功善卷古碑荆棘裡瞿童仙井草萊中細思往事
比有陳迹目送孤雲上太空

知縣張本字汝立號古岡歸于縣人

雲溪書閣

巍哉高閣俯長流溪上閑雲去復留影落硯池和筆掃光涵
書帙帶簾鉤光籠楊柳當牕曉冷浸芙蓉隔岸秋車馬不來
塵不到誰知城市亦林丘

白村野老

數里溪山隱白村幾迴歌詠付清樽生平不識軒裳貴樂處
惟知道藝尊步履有時同鹿豕扶筇隨處領兒孫先生更解
淵明趣種得成蹊柳蒲門

礪松軒

不肯趨時逐世塵獨來林下樂閑身數間茅屋誰為伴百尺
青松是主人樹影當牕明月夜花香入酒暖風春等閑醉卧

高文詩

可卷

十一

萬家言山 四卷
無拘束偏是堯天樂道民

陳文任縣丞一律

落花

花開時愛春成癖謝處尤嫌去忽空書靜珠簾桃李雨夜深
銀燭海棠風浣溪沙瘞千金色芳徑塵淹十里紅望斷淡烟
青草外幾多愁逐盡闌東

吳珍字儒俊餘干人六首

邵侯去思詩

九載民懷不忍欺一朝報政上彤墀問問難忘來時澤父老
長縈去後思瞻仰斗山徒切切截攀鞶鞶罔遲遲從來召伯
多遺愛一覩甘棠一賦詩

客中九月

寂寥親舍白雲間佳節忘歸最厚顏心為素貧甘夕隱世
無補任長閑寒蘆雪點鷗邊水秋菊金垂鴈外山珍重高陽
老詩伯相逢休笑髮

武陵懷古

武陵溪水浩無涯故址荒營盡土花一代勳猷歸史館萬年
基業屬皇家平沙暝雨啼寒鴈古木蒼烟帶暮鴉兔死狗烹
終古有行人何必重咨嗟

溪山小影

碧山華屋畫橋東門掩蒼苔曲徑通書幌夜分蘿薜月鈞絲
晴颺芷蘭風白鷗幾點長吟裡黃鳥數聲清夢中漉酒有巾
時釀黍不知閑醉與誰同

溪行

星漢無由上客槎
偏舟隨處看桃花
懸崖古木青猿峽
極浦荒烟白鳥家
遠寺天空晴見塔
孤城日落晚悲茄
東風芳草年年綠
肯信潘郎髮易華

題山舍壁上

官政清明歲事豐
途來佳趣與誰同
江南自得韓忠獻
林下長閑陸放翁
威鳳響傳黃道日
野鶯聲度綠楊風
堯民自此無拘束
欲買偏舟理釣筒

主事張吉 字克修 號古城 餘干縣人

挽萬尚書

一氣宵通北斗寒
羽毛絕海天寬紫
微聲徹司空履青瑣
班嚴少保冠三世
特恩鮮朽骨百年
高論見忠肝
故園回首西風惡
爭奈殘芳逐急湍

次陳副使

擾擾浮生一海艘
欲知心事懶同袍
蟬蟻蟻元非天華泰
嵩邱未足高世路
多歧空洒淚齊君
自甕謾生勞
孤臣自古能憂國
却恠揚雄作反騷

淮陰驛

一死休嗟狡兔窮
須知物極世難容
已居固必相疑地
况挾彌盈不賞功
執戟細思真未遇
築壇爭忍負奇逢
獨憐蓋世英雄畧
大巧輸他失馬翁

挽陳侍郎

曾運鈞權理國經
凋零隨處即敷榮
才行賊壘首先執
未鑄刑書獄已清
奇行信知堪作古
哲夫真見會成城
誰憐世事如春夢
身後猶垂不朽名

送別陳二守

檻檻軒車古道傍，清如流水冷如霜。太羨莫厭無深味，真璞元來事秘藏。兩目逐人觀硯礪，一身隨分著衣裳。行處全喜有餘緜，在客次孤燈徹夜張。

荅丘太守致仕

林下由來遠險難，細思惟見一人還。泉流谷口涵春意，月浦花稍伴夜閒。百責世緣聊自遣，半毫陳迹不容關。陶詩細和篇幾就，吟對東籬菊有斑。

晚泊桃花口

寂寞孤村八九家，耕鋤蚕績作生涯。花開花落春長在，潮去潮來日自斜。山館庭除頻斥鹵，野人燈火隔籬笆。蕭條獨坐孤蓬下，溽暑厭厭誰為嗟。

送黃琦之官即墨

南上衣裳獨厭單，半生容與望雲端。月華久熟唐山睡，雲子還其即墨食光閃。白榆龍劍動氣昏，青海唇樓寒儒冠。不是誤身物，珍重吾人莫漫看。

謫官之景東苗別

一分新漲入花叢，醉眼摩娑認短篷。獨整欲飛心，萬里幾人相送意。千重彼蒼俯仰應，無愧吾道嗟。跼尚未窮，數盡瓊瑜春睡足，不知天際掉歌風。

李平字武定二律

挽李助教

一夕文星墜太虛，士林憔悴倍傷悲。五朝爵祿文章顯，千載功名竹帛垂。筆硯留塵閑石几，圖書生潤冷紗維。悉思臺閣

同袍者公論奇才惜故知

送翁掌教考滿之京

九年經鐸振雲城清譽飄揚達 帝京多士盡叨門下化幾
人先何日邊榮官河一掉朝天遠宣海孤忠獻續明 聖主
不辜傳道志定遷清秩近台廷

李莊 號強恕翁奉寄陸司寇蕙謝書帕

白首丹心弼 帝家屢承宮墨賜黃麻四明文獻聲高着六
典樞機位莫加素怕香分天上霞彩箋新剪日邊霞無由門
下酬嘉貺空自山林嘆歲華

胡居仁 字叔心號敬齋餘干人

永思堂為江應辰題

永慕雙親重自傷為將華扁揭高堂聲容動靜宜如在鞠育
劬勞痛不忘寸念肯同天地老百年難盡古今長此心行見
全忠孝紫誥褒封播遠方

魏奇六律

謝劉考功送曆日

鳳曆先從天上頒天官遠寄到深山始知節叙催人老却謝
乾坤放我閑正朔無私傳海內陽春有脚到人間朋情歲晚
何珍重報之瓊瑤一厚顏

讀文天祥傳

颯颯西風吹戰塵勤王閩廣為斯民庭芝先肯全忠節子俊
徒勞爭偽直慷慨成仁無怨悔從容就死不逡巡趙家三百
年宗社殉國殉君有幾人

己亥歲除夕

蒼外流光似較推二陽已竟泰將來百千事去頭空白六七
年喻志未灰泉下二親成未感膝前一子尚提孩今逢五鬼
將窮夜宜醉人生有限杯

送劉叅政知陝西任

長安自昔帝王州藩鎮今勞露冕遊百二山河環陝內萬家
城郭枕涇流行崎遠慰黎民望守上多分 聖主憂天語分
明教暫出不須高起望京樓

賀萬通判致仕

先生頭白欲歸歟故國先期買釣機官肯投閑天下少人能
知止世間稀柳風青點春羅蓋花日紅董書錦衣美酒越溪
堪送老始知今是昔時非

送鄭掌教之廣東任

剔袂爬羅六籍中文衡遠典廣潘東陰連驛駟榕花合香撲
吟羈荔子紅列郡雄才從簡拔十年利器待磨礪烏紗巾上
青天近自矢斯行秉至公

陳宣 儒孛孛生員魏義齋餘干縣人

寄同志胡居仁施教白鹿洞

出拔孤標類萃中激昂渾不與人同衣冠古制超時俗禮樂
重新振士林跬步寧無心所慕瞑眸長有夢相從忘年何日
來斯道鹿洞沉七匡阜東

吳權 字用中八律

賀章友冠帶

一函丹詔下天闈榮及人間齒德尊直許承恩歸白屋不勞
待漏到金門烏紗對酒閑延客鳩杖看花笑領孫自是山中

真宰相莫誇物外有乾坤

玄明山中

金爐香燼書如年城郭西偏小洞天石徑紫苔晴帶雨玉沙
瑤草暖生烟研硃硯滴花間露煮藥鐺分竹下泉何處一簫
聲嫋^上只疑門外有飛仙

秋日田家即事

詩誦颶風到築場子雞入筓酒盈觴木綿翻雪衣堪製香稻
收金賦可償畦韭雨餘千畝綠屋茅風後一番黃白頭老父
渾無事擊壤高歌幾夕陽

送劉濬之任饒平

壁水悠^上醉六經一官發朝佐饒平中朝列邑天書重便道
還家書歸榮嶺露翠連津樹香海霞紅映縣樓明

濬淳朴此去暮年政有聲

贈縣掾徐定使京便道歸省

霜臺冰玉浸衣冠得任賢勞最是難已領羽書傳使命又承
毛檄奉親歡長亭烟柳隨行色故國山河帶笑看此去城南
天咫尺高飛萬里入雙翰

次萬章韻

古烟高樹隔斜陽良晤雖疎念不忘卸雪琢成詩骨老卻雲
飛墜墨痕香馬周少日長為客顏駟中年已作郎尺素欲憑
霜鴈嗣西風^上海天長

寄蕭觀秀才

洞府香醪醺甲紅開懷長抱與君同芝眉別後逾三月花信
看來到幾風拱壽姓名先榜改李藩人物早紗籠遭時切莫

忘知已今口從來易薦雄

蒼禹璜見寄

秋深江館欲添衣
疎柳風高酒力微
書劍生涯成脫畧
簞瓢滋味絕其肥
花開蟾窟香猶遠
月滿霜林影漸稀
舊雨故人今契闊
夢中相見醒來非

李翰一律

送高進士

詔許寧親復入朝
上天心壯不辭遙
秋風送新官
舫桂子香生舊客貂
奎壁文章當代顯
鹽梅鼎鼐及時調
越江知已懷離別
目斷飛雲隔九霄

李貫字一之號豫庵餘干人四律

奉魏太守歸故里

坐染歸耕經幾霜
水田千頃百株桑
黃花蒲徑金錢小
綠草侵堦帶雨長
七步詩才曹子建
八分書法蔡中郎
何時乘輿山陰道
雪裡梅花拂袖香

餞解冊友人兼呈劉郎中

共膺王事赴南京
不倦驅馳振國心
四海版圖歸入貢
一船風月載知音
通家氣味全親誼
當路公卿照士林
相府公餘如我問
暮年空自擬商霖

挽和菴張時晏先生

辟谷修真四十年
參同已悟造玄玄
子房久棄人間事
阮肇終逢洞裏仙
已謝丹爐收藥物
從教滄海變桑田
紛紛多少紅塵客
不得先生一字傳

修郡誌回夜泊游渡

行李蕭蕭為纂修推蓬夜對古溪頭郵亭候卒馳邊檄水榭
漁人繫釣舟極浦風天號鴈鷺平湖雪浪點鳧鷗酒盃閑却
盃歸夢三徑黃花故里秋

李碩字存果九律

遊天長縣羅漢寺

且停騎鶴上揚州金刹閑遊謾唱酬三峽浪傳圓澤約一衣
聊學退之留路通天竺佛乘象飯孰雲厨僧吐鳩正是登樓
望鄉國一行雙鴈過高郵

上太尹信豐收賊有功

元惡先擒禍亂平檻車多少送神京且看令尹歸花縣莫問
將軍抵柳營烈宿煌煌垂遠曙仁風藹藹扇新正我侯功合
冊基憲一道天書指日迎

挽張和菴

鏤梓流傳幾卷詩高風清節兩京知要從海上尋黃獨不向
山中茹紫芝許遜再來蛟合斬茅君相訪虎曾騎彩樓今日
仙凡隔忘却淮王召燕時

登瓜州勝槩樓看胡尚書碑亭

高下洪纖望益明漫天春浪吼鱣鯨江心日映金山寺京口
雲連鐵瓮城花氣一川來北嶼松聲萬壑落南楹淮西亦有
蓬萊景何事仙人說幔亭

題杭州府西湖岳飛廟

兀木幾擒部落隳金牌最恨促班師奸諛秉政忠臣死夷狄
侵邊社稷危威奮雷霆湖上艦影搖霄漢帳前旗即城黎庶
空渡馬淚滴香盆總是非

泰安別墅

蘇門長嘯復高歌山下幽居樂事多時雨一番楊柳豆西風
八月子真禾椒園鹿渴忙奔澗莎徑牛呵飽卧坡沮濁肯容
頻過訪綠筠亭上酌紅螺

登虎丘山望蘇州有感

遺墨殘碑慨呂昇敷泉香冷石聯亭水涵溟滓歸滄海塔
招提礙紫冥磨劍池邊龍氣濕講經堂外鶴巢腥伍員不見
姑蘇在千古忠臣涕淚零

過揚州通泰渡

煬帝平陳舊駐兵貔貅接境立行營驛邊古路南分站城下
通津北上京夷虜入朝王道勝江山如昨霸圖傾暖風宿麥
前村近沽酒停裝再問程

恩賜冠帶

書嚙木鳳出金鑿恩許耆民拜壽官八秩遐齡天眷厚數至
短髮雪飄寒扶顛每籍枕柳杖悅淡惟甘首宿盤不是朝廷
能恤老山人那得一儒冠

王叔閨哀姑蘇為張士誠作

天星夜墮水群軍又見吳宮走鹿群睥睨金湯徒自棄愴惶
玉石竟俱焚將軍只合田橫死國士今無豫讓聞風雨明年
寒食節麥飯誰洒太妃墳

姜子牙妻詩

洪武元年天下擾亂子牙娶妻三月而
被李將軍之擄後因此詩而復合

夫留吳越妾江東三載恩情一旦空葵藿有心終向日揚花
無力暫隨風兩行珠淚孤燈下千里家山一夢中但恨當時

惟此難相逢難把姓名通

知縣林建邦

號少麓福建莆田縣人

龍沙夜靜發歸航西雨南雲感慨長
兩髮不隨愁裡改寸心猶逐醉中狂
衣垂半臂真淒慘信杳雙魚實渺茫
坐對江楓嗟好景客懷撩亂不成章

明萬家詩山卷之四終

新刊大明萬家詩山卷之五

江西萬年縣

春江

汪近孔

編輯

弟

對峯

汪近德

校正

弟

見江

汪本澄

精選

浙江廉訪司蔡深

字州仲號拙齋國初徵除學士不拜

題桃花贈伯顏大人

大末城中二月殘桃花千樹雨初乾
瑤池翠水人間有紫陌紅塵馬上看
南國化行男女正夜園宴治弟兄歡
賢侯心事玄都客春浦平山獨倚闌

金明

徽州府人號東昌

一律

題汪伯琮架上葡萄

富陽當日泊行舟蒲架葡萄翼酒樓
翠蔓隱空晴巷晚玄珠

照酒露筵秋
兵塵坐失重遊計
風物知存此地否
却向君家
看不厭
夜深飛夢浙江頭

程梅岩 二律

題饒娥廟 在樂平次灘

松陰庭戶枕青波
小立碑亭較舊訛
一念綱常行宇宙
幾番風雨起山河
世間如此丈夫少
天上從渠美婦多
獨倚闌干千古意
登臨不忍更高歌

又

悠悠孤憤倚中流
飽閱川陵四百秋
水際叢祠仍昨日
人間坯土幾荒丘
故鄉愛說饒饒姓
往事空疑柳柳州
竚立斜陽凝睇久
桐花飛落釣漁舟

吳潛字廷用號午谷餘干人十一律

南郭暮歸

夕陽烟景近昏黃
行盡江蕪幾短長
黃葉江村紅影沒
白沙堤路馬蹄忙
露華半濕双垂袖
世故多縈九曲腸
今古無私惟有月
照人渾是一清光

挽徐先生

雨驟風殘玉樹摧
士林憔悴重堪哀
王通館冷人空仰
顏闔庭闈使不來
遺稿已埋吟社筆
浩歌猶歇醉鄉盃
舊時行跡冠山外
花落班班一徑苔

送管照磨致仕

曾向都門別舊游
烟霞歸計事多優
泉聲落澗編依枕
山色籠雲平入樓
幾曲紫芝商嶺曉
一竿寒竹謂川秋
徜徉每領奚奴輩
挑得詩囊在杖頭

重陽客中

高郵城下過重陽興味蕭然只自傷
綠酒惜無知己醉黃花空對別人香
登高有恨悲前事縮地無由到故鄉
正欲寄書書未就鴈聲南度兩三行

吳平章武陵故營

英雄文武久知名今日飄零過故營
兵甲寨空沙鳥怨垣墻瓦落野蒿生
一天黃葉悲秋色千古青山老客情
惆悵為君吟不盡水流猶似帶愁聲

重過南京徐氏舊居

綠陰門柳馬嘶風邂逅重來景不同
鶯燕樓臺春暖後龜魚池沼晚涼中
岩泉作雨飛空白山葉經霜瀟浦地
紅有舊時月夜來還過女牆東

上管太尹

除書榮捧出楓宸多少謀惟在子民
百里桑麻重得雨千家桃李又逢春
德孚鄉境蝗寧犯惠及提孩雉亦馴
今日棠陰叨治化此生何地報深仁

賁本赴京舟次采石

匆匆王事暫維舟為愛殊方景物幽
海上潮來鱗入穴水心雲起如嘯樓
酒帘飄蕩河橋外漁艇參差柳岸頭
慨想舊時唐李白文光千載照山丘

寄浮梁致仕同知黃壁

度量汪洋天地寬詞源學海正漫漫
名尊清世文章伯位重黃堂政事官
長笑白雲飛數片晏眠紅日上三竿
近聞多種東籬菊祇許柴桑處士看

送同知張本達考滿過京

祖帳屏開拂曉烟送君獻績遠朝天半肩行李青山外一點
忠心玉陛前事業喜傳蕭相國勳猷應繼杜延年要知此後
相逢處五鳳樓前欲曙先

挽外祖湯尹彰處士

一簪華髮老秋霜金竹林中搆草堂嘉趣不殊陶靖節清風
空挹漢嚴光半窓殘月梅魂斷萬里孤雲鶴夢長可是南山
回首路多陽桑柘景凄凉

吳與弼字子傳號東齋無州崇仁縣人

為學如登萬仞山層崖須用小心攀前頭儘有無窮趣只是
工夫不斷難

又

何處不到古人班只把遺經仔細看學久自然潛滓化必斯
廣矣體斯胖

題李尚書行樂圖

人道公心似明月我道明月不如公明月照夜不照晝公心
晝夜一般同

朱熹字仲晦號晦庵先生初寓崇安後徙建陽考亭

寶鑑當年照膽寒向來埋沒大無端祇今垢盡明全見還得
當年寶鑑看

又

立卦生爻事有因兩儀四象已前陳須知三絕萬篇者不是
尋常數墨人

邵雍字堯夫魏康節先生河南人宋神宗贈者作即

真家言山 五卷 四
孔子生知非假習孟軻先覺亦須修誠明本屬吾家事自是
今人好外求

又

冬至子之半天心無改更一陽初動處萬物未生時玄酒味
方淡太音聲更希此言如不信更請問抱義

王守仁

字伯安號陽明山人浙江餘姚人

問君何事日憧憧煩惱場中錯用功莫道聖門無口訣良知
兩字是參同

又

人人有箇定盤針萬化根源摠在心却向從前顛倒見枝枝

葉葉外頭尋

汪春江名近孔號春江饒州府萬年縣人

衆理森然具一心尤如麗水有黃金程朱指有真門路不向
汙泥去處尋

又

人心箇箇有立軻自委遮迷沒柰何要識立軻真面目工夫
雖向六經多

又

天下人皆共此身此身應合聖賢儕聖賢身立無多地只是
知行二字真

又

大禹尤能惜寸陰男兒慎勿自因循千頭萬緒從心上莫去
玄空底面尋

又

防欲城高不鑿垣
虛靈洞徹自然然
明窓淨几無人雜
靜坐分明有一天

又

萬事尤如理亂繩
工夫旦夕未嘗停
條條今日無約絞
只是原來一箇誠

又

洙泗源頭一口泉
滔滔不舍許多年
斯泉飲者知多少
心廣神清氣浩然

又

暗地分明有一燈
此燈只是本心生
有人剔起心燈火
光倚中天日月明

又

萬水千山去處多
遨遊須要自家過
無等嘉趣心頭上
持守牢莫放他

又

人人爭看洛陽春
春在人心自弗馴
馴見吾心春富貴
滿腔天地妙神通

胡居仁 字叔心 號敬齋 江西餘干縣人

孺子亭前草自芳
忠臣祠裡燕翻梁
千門萬戶如春夢
到把神仙畫渺茫

又

萱草庭前久未過
宦遊吳地隔山河
夜來長有思親夢
慈母思兒夢更多

又

代陸蕉司題思親圖

敬齋憂道不憂身身後孤兒徹髓貧造化無私天有眼一枝
先放武陵春

王駕字程夫題婦人寄征衣唐朝人

夫成蕭闕妾在吳西風吹妾妾憂夫一行書寄兩行淚寒到
君邊衣到無

于昌祖大明成化特人次前節撫州府人

西風吹鴈落東吳自整寒衣欲寄夫一剪一針腸一斷不知
夫亦斷腸無

楊近禮字以恭弘治特人

題荷錢

青點波心色色新乾坤有象妙非真鑄成東渚三更雨買住
西湖五月春萬貫不添王凱富一文難濟范舟貧採蓮歌舞

閑來往空笑先人論有神

王肇基一律

紅光賽却海棠嬌造化枝頭日自燒綠葉烟迷丹灶伏翠林
風過石蓮搖黃鸝入處金應煉白鳥棲時雪未銷已醉遊人
雙眼望更猜狼燧舉層霄

汪紫巖直隸徽州府婺源縣人

題陳搏大騫圖搏號希夷隱居陝西華州華山

騫裡乾坤只自由華山佳致守洲千年入夢連峯夜一枕
閑心石室秋丹鳳銜書曾謝宋白雲賜號已朝周誰知方外
神仙藥沼視三江塊九州

四皓園基圖東園公姓唐字宣明襄陽人
角里先生姓周名術字元道河南人

夏黃公姓崔名郭字以通齊人
綺里季姓名未詳

麗眉皓髮成絲遺興相忘一局碁天上星辰閑裡佈世間
甲子座中移秦人鼎作初忘日漢室乾坤已定時松栢蒲林
春不老高風千載付君知

王質觀碁圖 晉朝人

萬事人間付壘醢盤中黑白手中揮推窮天度山川曙落盡
星飛海日低仙趣未終塵世冥樵柯已爛俗途迷誰知靜裡
乾坤大楚漢英雄一日齊

顏子陋巷圖 姓顏名回字子淵孔子弟子

當時誰為嘆蕭然神妙從今壽百年功利不媒方寸地經書
自宅一中天春風和氣乾坤裡夜月光芒山水邊幾接遠容
无儼雅敢期斯道永傳傳

子陵釣叟圖 嚴光字子陵隱居富春山會稽人

昔誰肯為妙傳神祇恐良心識未真寸乾坤盈天地一竿
風月浦懷春寒波不浸羊裘古愁雪寧添鶴髮新自是愈縮
經濟術如何上可動星辰

蘇卿守塞圖 蘇武字子卿漢武帝特人

漢家豈得禦戎方交使紛紛總異鄉虜正坐將諸夏氣臣能
支住一綱常寸心不改匈奴苦孤節常羞衛李降願得君前
堯舜道囚夷莫敢不來王

昭君出塞圖 王嬙字淑真號明妃封昭君漢特人

自古華夷界兩間豈期今日降紅顏陰陽強合春風惡山水
含羞夜月寒胡始有機開要路漢終無力挽頽瀾固知作偏
皆妻敬圖國君臣仔細看

五老圖 韓琦富弼歐陽修唐介曾公亮非晉咸寧中

熙豐新法任青苗居洛魚群韓富歐曰髮自甘泉古若丹忠
誰為國家憂喬松神氣軋坤古園綺襟懷風月秋問着治平
元祐事未曾閉目也搖頭

金谷園圖 石崇所立晉朝人

故園別後已千年可惜人人愛眼前幾樹珊瑚寒煖雪百花
錦綉艷陽天歌樓夜月嬌紅粉步張春風醉綺筵笑看依然
光景在不知今又落誰邊

左布政李瓚右布政邵寶 俱浙江布政兩人聯句

題岳飛廟 岳飛字鵬舉宋朝忠臣廟在西湖

六橋行盡見玄宮生氣如聞萬鬣風松檜有靈枝不比江湖
無恙水流東千年宗社孤墳在石戰金兵寸鉄空時宰胡爲
竊天祿野雲秋絕夕陽東

邵康節謔董卓

董卓無端擅大權焚燒宮闕廢陵源兩朝帝主遭磨障四海
生靈盡倒懸方斬亂臣憑呂布舌誅逆賊是貂蟬世間造惡
終須報上有無窮不老天

劉備曹操飲青梅酒

綠浦園林春已終曹劉對坐論英雄玉盤堆積青梅滿金盞
飄香煮酒濃匙筋落時知肺腑風雷吼處動心胞樽前一語
瞞曹操鐵鑕冲開走蟄龍

孔明梁父吟 五言十二句

一夜北風寒萬里彤雲厚空中亂雪飄改却山川舊仰面觀
太虛想是王龍閣紛紛鱗甲飛填刻徧宇宙白髮銀絲翁豈
惧皇天涌騎馱過小橋獨嘆梅花瘦

劉備訪孔明遇雪

一大風雪訪賢良不意空回亦自傷
凍冷溪橋山石滑寒侵鞭馬路途長
當頭片片梨花落撲面紛紛柳絮狂
回首停鞭望處爛銀堆浦臥龍崗

劉備馬跳檀溪

襄陽城外接良途來往行人嘆的盧
西岸蹄蹤埋碧草半灘水影撼青蒲
夜靜月明橫素練波搖星彩撒瓊珠
莫誇主有西川分蓋為當時得駿駒

主事劉憲字文綱饒州餘干人

新河清會

新河亭子倚雲高中有仙郎出地曹
客到但留文字會官開不任簿書勞
當期流水上為帶隔岸青山翠作袍
此景輸君能會得眼前富貴亦秋毫

呈謝三司托箴詩

詩筆瀾殘學海深興來隨處發豪吟
妙從杜甫聯中取巧向王維畫裡尋
剔盡塵埃無俗氣敲殘金玉有餘音
織成雲霧天機錦束手那能綴一針

主事蘇章登進士第江西餘干縣人

青鬢何為便隱言宦途原不似神仙
有團快活在心上無點是非來耳邊
靖節先生三徑菊鴟夷老子五湖船
回頭却笑東林鳥健翼冲霄尚未旋

齊至道號前溪先生萬年縣畬塘人

懷友人汪近孔遇春夜雨感興

苔綠沿蝸貼粉墻烟凝睡鴨襲衣香
奈藤萝冷銷銀燭燕子

春寒憶杏梁病目經時花似霧懷人听雨草連窓何時艇子
春江上携酒高歌對夕陽

訪汪友遇雨

偷身偷眼出齋西雨壓春寒思欲迷衣綠濕沾芳草徑裊紅
香惹落花泥鳥鴉振羽飛還倦黃鳥調聲溢未啼幸得春江
有舡渡杖藜携酒話襟期

柯環號竹菴先生萬年縣錫嶺人雪 一律

臘前何事不呈祥故逐東風下彼蒼冷壓殘梅添舊白凍欺
嫩柳減新黃青山盡是銀包裹白屋重將粉飾裝來日太陽
消頃刻江山分外好風光

李先生 水硯瓶

初平有道妙通神叱起仙羊儼若真烟墨淡粧青眼笑雪花
輕染白毛新面前有草難開口足下無雲不動身蒲腹飽漚
滄海水四時常伴讀書人

石峯柯先生受香童子

稟何父母受何胎徑寸規模小巧裁伴讀不從夫子道侍香
先上醉翁臺胸藏化氣消難盡拳捩春風放不開人世自當
心奮發莫同此物只痴呆

雷應時 號雲坡避夫餘干縣魚尾塘畬穴人

送男克新芝門館先生

素仰趨庭飽一經樂於文教授才名芝蘭化雨香猶遠桃李
春風實已成標格每懷梧竹異劍光遥指斗牛橫偶因豚犬
從游學指引青雲路上行

上姜蒙泉太尹 名走熙岳州府巴陵縣人

德政賢侯清復清徧臨鄉墾勸農耕和風甘雨桑麻秀僻壤
遐陬草木榮黃髮兒童爭鼓舞白頭老父喜趨迎拜臨何處
瞻天表夜夜茅簷望月明

李隆 魚運塘長山人

挽趙隱人

挽趙隱人

書窓听雨暗傷懷故友飛仙不見回松菊已荒陶令徑烟霞
今冷子陵臺愁聞孤鴈雲邊唳怕听慈烏月下哀今日思君
捐館去江山孤我抱琴來

又

白雲深處適襟懷夢入龍蛇逝不回碑石已鐫新墓道酒樽
空倚舊樓臺林中月冷啼鵲怨江上風寒斷鷓鴣幾對斜陽
傷感切脫愁和淚一時來

湯先生 題南江酒樓

高樓開宴樂佳賓歡笑寧知日易曛舞袖招來滄海月歌聲
過任碧空雲紅牙小板頻催拍白王深盃不計巡却嘆當年
老王漿謾 詞賦寫羈貧

雪

孤城日暮噪飢鴉遠道天寒絕去車入夜林稍聞拆竹來朝
庭樹見開花情添陶谷烹茶竈價重相如賣酒家欲寫長吟
嫌冷甚幾迴閣筆手頻叉

黎繡衣題館驛

細雨霏霏弄晚寒一枝春色上闌干花容似有留春意只恐
花容不耐看

翰林學士孫賈 字仲衍號西菴五羊城西人

臨刑自賦

洪武九年殺益王孫有拜帖累及之也

鼉鼓聲方急西山日又斜黃泉無客店今夜宿誰家

刑部尚書錢宰

太祖以錢宰為翰林日久錢老思歸

及賦此詩上聞之早朝謂宰曰朕未嘗憐卿乎宰

俱而歸

四鼓夔夔起著衣午門朝見尚疑是何時得逐田園樂睡到
人間飯熟時

布政彭韶答陳白沙

韶是成化丙戌進士廣東人

南海春風一古琴天涯回首幾知音野人未有鍾期耳只有
鍾期一寸心

翰林庶吉士鄒智翁

字汝愚四川合州人成化丙午科

盡披肝膽知何日望見衣冠只此時但願太平無个事孤臣
萬死更何悲

翰林學士唐肅

雪翻能追萬里風坐令狐兔草間空詞臣不敢忘規諫却憶

當時魏鄭公

黎貞

號林坡先生古岡人有懷兄弟之意

錦瑟銀箏白玉卮賞音元自有鍾期可憐孤鴈長城外叫斷
南雲總不知

楊瑤

見世人信追薦媚惑陰司故有此論

聞道修齋耐罔極分明此理是虛無若將所費營高塚千載
人傳某丈夫

丘濬

號瓊山廣信府人過梅岩寓輿有真偽之辨也

昔年未到梅關上但說梅岩盡是梅今日過關堪一笑蒲山
荆棘野花開

何進 漢朝人

中人未可肆誅鋤
召得兵來計亦疎
回首青青千里草
漢家社稷一丘墟

黎伏元題爆竹有寓自己之志而有不可量之勢也

自憐結束小身材
一點丹心未肯灰
時節到時心火發
萬人頭上一聲雷

天池寺僧題涼傘有諷知府之意真善觀者也

衆骨攢來一把收
褐簷銀頂覆諸侯
有時撐向馬前去
真个有天無日頭

按察吏卓遂命題之有自警之意衆官笑而喜之

小木曾經斧斫成
却來低處立功名
雖然不作朝堂用
也為人間抵不平

江南詩伯

舟上人見描有四字其人少一可擬之其

誰將詩伯掛桅杆
願借明珠一顆看
天晚不堪題妙句
恐被龍起碧潭寒

太祖高皇帝

四律詠雪

臘前之日曠無涯
知是天宮降六花
九曲黃河凝底凍
張騫無處再乘槎

新雨

片雲風駕雨飛來
頃刻凭闌徧九垓
檻外近聆新水響
遙空一碧是天開

征陳友諒至瀟湘口

馬渡沙頭首宿香
片雲片雨渡瀟湘
東風吹醒英雄夢
不是咸陽是洛陽

虹

誰把青紅線二條和雲和雨束天腰玉皇昨夜與出萬里
長空架玉橋

王冕 字元章紹興府會稽縣人幕府參軍

黑梅

我家洗硯池頭樹樹樹花開淡墨痕不要人誇好顏色只留
清氣滿乾坤

又

獵獵北風吹倒樹乾坤無處不沙塵胡兒凍死長城下誰信
江南別有春

葉先生 遊學寓自己之遇

未許承顏便閉門也應不是餒王孫昌門雖有多豪傑不及

淮陰一婦人

閣諸公氣象 七言四句不及查各凡六首

夜半朝回出建章朱衣小囊兩三行曲闌干外銀燈過照見
芙蓉葉上霜

又

乘鵝特地上天臺親見姮娥把桂栽昨夜廣寒宮未鎖被吾
和月撥將來

又

瓊林宴罷唱聲雄人似神仙馬似龍半夜歸來更漏永金吾
不敢問行蹤

又

寶馬金鞍碧玉鞭晚涼騎過御樓前宮娥不識中書令問是

誰家羨少年

又

禮闈新榜動長安九陌人人走馬看一日聲名徧天下滿城桃李屬春官

又

殿上衣衣明日月硯中旗影動龍蛇縱橫禮樂三千字獨對舟舛日未斜

山林諸士氣象九七首

朝中宰相五更寒鐵甲將軍夜度關山寺日高僧未起筭來名利不如閑

又

湖邊半畝白鷗沙流水柴門是我家老子敬來無一事自鋤

明月種梅花

又

青山隱隱水迢迢秋盡江南草木凋二十四橋明月夜玉人何處教吹簫

又

綠樹重陰蓋四鄰蒼苔日厚不生塵科頭箕踞長秋下白眼看他世上人

又

幾樹梅花雨裡移移時還有未開枝不知帶得春多少便問梅花也不知

又

江水悠悠晝夜流得停舟處且停舟世人不識風波險直到

高安詩

五卷

六

風波險處休

又

一陣東風一陣寒
芭蕉長過石闌干
只消幾度歡騰醉
看得春光到牡丹

漁

雨後沙塵古岸崩
魚梁移入亂雲層
歸來月落汀洲暗
認得婁兒補網燈

又

網漏無魚當酒錢
遠觀茅店口流涎
幾迴欲脫蓑衣當
只恐明朝是雨天

樵

採薪遠去每回遲
斤斧原來憶舊時
兒女不知肋骨痛
穿衣

猶說小花枝

又

行抱長鋤為短鋤
放歌齊入白雲間
阿夫不從渠心懶
討得條齊先下山

耕

桃花帶雨柳含烟
脫却羊裘學種田
今歲不須憂旱魃
雪花先已召豐年

又

右手扶犁左手鞭
子規啼破隔江烟
停牛借問行人道
何處鹽賒熟稻錢

牧

烟雨冥濛草正稠
相呼相喚過林丘
聲聲莫向南山牧
昨日

產家詩山
南山虎食牛

又

騎牛遠遠過前村
短笛無腔隔隴聞
多少長安名利客
機關用盡不如君

吳先生二律

端午日看龍舟東崗山人

羊角峯頭看競舟
錦標誰不愛先牧
若然少下些規力
便在許多人後頭

次張吉韻

南風江上競湘舟
奮臂爭先勢莫收
金鼓振天濤浪怒
心心齊要奪龍頭

葉盛知府贈醫士

上醫醫國次醫民醫國醫民本一仁誰識良醫似良相
大安

天下小安身

翰林學士解縉字大紳江西吉安府人

新月

玉皇昨夜宴群仙
醉舞霓裳室鬢偏
失却玉釵無覓處
晚風吹在碧雲邊

又

一片一片復一片
飛入梅花尋不見
昨日青山玉裹頭
今朝綠水銀鋪面

又

一片東飛一片西
不沾柳絮不沾泥
蒼天知主回鸞架
故剪瓊花襯馬蹄

已上二首雪詩

言家言山 五卷 十六
脚踏船舷船便開天公為我洗塵埃世人笑我衣衫濕纔在龍門跳出來

秋胡子戲妻 春秋戰國時人

却更金身不
何又原身尋
訪想生秦
誰信守孤灯 錢頴
即思葉薄妾冰清即說黃金妾不應若是偶然通一笑半生

又

相逢桑下說黃金料得秋胡用計深不是別來渾未識黃金聊試別來心 趙子昂

又

高砧久別忘卿卿桑下相逢笑不成既有黃金蒲錦索料君官亦欠冰清 宋子虛

黃尚書 雪夜乘舟

一年三百六十日多少晴乾好日頭可笑晉朝風老子如何雪夜去乘舟

楊大年 題傀儡

鮑老當年笑郭即笑他舞袖大即端若交鮑老當筵舞轉更即端舞袖長

楊先生 題巫山神女

十二巫山疊上清襄王為妾本無情只因宋玉輕才調挽斷銀河洗不清

又

夢裡相逢事本非輕才宋玉悞成詩高唐若是真消息應笑襄王被鬼迷

孟浩然雪中探梅

尋梅徧向雪飛時可待天晴尚未遲既出騎馱寒莫怯如何
有鍊歛雙眉

春日溪行

勝日閑來溪上行傍花隨柳午風輕黃鶯也有春光好鳴了
又飛上了鳴

月下獨飲

月在青天酒在甌金甌酒浸月光浮更深坐久吟詩渴和月
同吞直下喉

柯材 字用夫號見菴先生饒州万年縣錫嶺人

懷汪春江偶成

不隨流俗入荒唐冥樂超然已坐忘萬仞立身惟一敬逢人
開口只三綱劾研佛老烟霞盡翼贊程朱日月光自別芝眉

多感激下風遠拜絕餘香

柯珮 字朝儀號月潭先生

贈西塘王千戶陞參將

談笑中原捍戰埃拜銜今喜上雲臺六經洞徹宣尼蘊八陣
縱橫葛亮才旌電蔽空妖魍遁號建控嶽瘴烟開東南萬里
澄朝海又見封侯紫詔來

太祖高皇帝美陶安 時陶安在饒州知府

匡庐岩穴甚濟上水怪無端盈彭蠡鱷魚因韓去遠洋陶安
翻陽即一理 又帖國朝謀畧無双上翰苑文章第一家

樞密院都司趙訪 字子常號東山河南府新安人

赤翅晶荧何處歸秋來清響傍庭闌莫言微物無情思風虎
雲龍共一機

國子監助教瞿祐字宗吉號存齋浙江杭州府錢塘縣人

宋宗窓下愛高談五德生成五彩毛自是范張恩義重劉宗何必用牛刀已上雞詩

福建檢校章彥復贈友人浙江杭州府人

瞿君有子早能詩丰采英上玉自竒天上麒麟原有種定應高折廣寒枝

哭四川學正凌雲翰字彥冲號柘軒浙江杭州人

一去西川隔夜甚忍看白壁墜蒼苔酒朋詩友凋零盡只有存齋冒夜來

沈西溪號州府浮梁縣景德鎮人嘉靖三十九年卒

柱國大夫武英殿大學士徐階號少湖改

舊識名家裔兼聞令子賢然綸絕寵錫館舍忽長捐暮色悲

坐樹寒聲咽澗泉百年原勿迹蟬蛻未須怜

禮部尚書翰林院學士吳山江西高安縣人

早聞嵯政羨解組賦歸來方愛西溪隱俄成北訃哀青春遺杖發白日闕泉臺庭下芝蘭茂還資惠澤培

都御史張元冲

都城傾盖今吾曉棟萼情聯遠不遠幾度芳城隨鳥候一番愁信逐寒來家聲已喜光三署身蹟寧同閱夜臺帳望河濱

旧游的烟深山廠有餘哀

光祿寺卿黃廷用號少村先生蒲田縣人

共羨勲曹令子賢遥聞翁病淚潸然不禁夢繞西江外即欲乞歸北闕前豈料飛鴻傳賦鵬溘焉白日上青天可無恙

姑差行役芳草萋萋空自憐

光祿寺少卿李鳳毛號有池先生四川人

父羨西溪客芳聲謁宦林鳳姿嗟未覩鵬賦訝成吟桂樹春
杏泉臺夜月深賢郎堪繼業應憶九原心

翰林院侍讀胡正蒙浙江餘姚縣人

解組師彭澤西谿五柳栽芝庭誇毓秀勲日寵多才喜遂來
衣顛驚聞蕙帳哀停哀停撓酒懷舊重徘徊

翰林院侍讀姜金和江西鄱陽縣人

訪君曾掉雪中紅風骨應伶似壯年歲月無何鄉夢遠天涯
忽訝訃音傳春堂寂寂與懸壁夜雨冥冥劍返淵為語溪流
莫嗚咽主人化鶴會當還

翰林脩撰丁士美號后溪先生淮陰人

成韓荆面叨論嘗桂心司城揚儒績轉運勒奇勲天遠鴻

冥真人哀鵬鳥音年年溪水畔不見心黎春

翰林編脩毛惇元

一紙陳情羨少君俄驚白鴈報淪音威名久播燕雲外惠澤
還浮浙水濱天立詔書丹鳳曉人間蝶夢添園春謾勞回首
看貽翼蘭桂芬芬世不湮

翰林編脩林士章

國計才方重思親意轉迷茂陵歸志家華表夢仙躋行紀碑
銘遠風迴樹木妻谿西斜夜月應切杜鵑啼

司禮監太監李陽號北山州府萬年縣人

蹇政馳芳譽家聲總義方掛冠歸故里買竹釣滄浪玉樹傷
新姜運琴已共亡東風憐道冥吹訃入鵑行

吏部郎中萬震龍

鳴雨沉江萬壑哀垂雲千尺黯難開樓空畫角靈鷲靜月落
玄扃北斗頽吳地均輸春寂寞楚天愁夢夜徘徊東風蘭桂
含情甚度莫待啼日幾迴

刑部郎中詹珊 號崑峯饒州浮梁縣人

曾列鵷班拜 紫宸晚來貪恋故鄉尊綠衣悞入雲端夢玄
髮俄為天上賓明月清風處永夜高山流水自長春江南禹
里啼鵲暮忽憶夫若欲慘神

光祿寺給事中徐應 號鄂原蘭谿縣人

大夫聲蹟滿揚州重見佳郎視上饒底事青山歸甚急空齷
綠醕進無由綸巾林下清風揚玉勅樓中寵渥留桂子森森
還濟美九泉他日慰貽謀

監察御史黃喬 號少崖先生

蚤脩清譽擅江東奕濟簪纓孰與同書錦擬歸瞻爰日哀麻
忽送泣西風都門草映思長在驛路雲迷望已空中萃傳芳
知夙訓佇看寵 誥沐泉封

刑部主事鄒光祚 號鶴山先生鄱陽縣人

仕籍當年著令名更怜月旦重鄉評孤松雨外山陽笛細草
溪邊薤露情天上有兎趨禁苑人間無處識韓荆唐堂寂寞
昌江令愁听寒鴉夜半聲

大理寺寺正侯有功 號鳳山子饒州府人

禁垣曾奏最轉運昔多才正擬金丹熟俄驚玉樹摧溪聲西
壑暗鶴唳北山哀種 庭前桂都從舊雨培

翰林侍書李中 河間府人

奕世儒風舊有名浙東懸政着聲聲廣封已荷 君王寵高

節翻尋鷗鷺盟慶澤遠知共卓澗英姿壯覺谷神清仙郎京
邸聞凶訃忍听哀哀問極情

禮部司務吳讓 浮梁縣人

出匣驚窺刃循良惜異才庭槐留舊蔭徑菊伴荒苔夜雨訃
初及春風菊自裁暗雲迷楚塞惆悵獨徘徊

黃德裕知縣 浮梁山先生

雲隔思空乞 詔迴俞音終下訃音來溪花無主催春暮山
鳥孤飛帶雨哀萬里北羈殘塊夢一芻南吊賦多才故園須
憶椿先瘁看取森一桂已培

光祿寺署事榮富 浮梁人

松菊幽芳劍井邊休文歸隱共長年擬看宦績遺千古何事
仙遊隔九泉夜靜山依空笑月春添草自浮烟同袍令子
情徧苦萬里歸舟倍愴然

光祿寺署丞魏乾亨 浮梁人

天挺洪都一俊奇宦遊東浙幾馳驅面書世業傳家寶動澤
流芳樹口碑華表月明仙去遠少微雲暗鶴歸遲賢郎函展
辭官疏望入西樓墮淚時

光祿寺署正王喬華 浮梁人

扶策 金門拜冕旒班辭鷗鷺樂林丘訃傳淮海三千里雲
冷崑崙十二樓潘樂政聲麟閣上冊山文彩鳳池頭若堂封
處應埋玉明月清風夜夜秋

光祿寺監事洪楠 浮梁人

海內推公有俊才掛冠何事賦歸來門前綠柳烟雲暗徑畔
黃花錦綉開共羨鳴名齊岳忽驚鶴夢入泉 貞郎正沐

天朝寵永抱徐生履石哀

光祿寺署丞趙禮 京郡人

舊時人物老林泉月犯少微與世沉教子未榮三鼎養仙遊
今作九原深花殘別墅閑暮局月滿空江冷釣綸遙望西江
倍惆悵薤歌聲裡一沾巾

廩膳生員張夢穎 浮梁人

溪水西流去不回溪東惟有大夫臺夢懸兩浙孤明月功着
中城鑽碧苔千古綱常誰作主百年忠孝付將來英雄洒泪
思公處猿鶴聲不盡哀 ○兵馬司副使載文質 號桂峯
翼軫寒鴉宰木風少微光殞士林中江回江漢仙蹤遠愁絕
簪纓桂籍空鳳詔已頒崇省秩龍章重見錫履封人生到處

終始一沐 君恩萬古雄

萬家詩山五卷終



